

ANGLOVAKERIPE

Rabindranath Tagore (1861–1941) sito yekh maybaro poeti, naratori, filozofi, kompozitori, piktori, pedagogo, eseisti, dramaturgo thay traduktori. O Tagore sito Indiaki renesansa. Qirutni thay barvali e Indiaki kultura, jivdingya piri renesansa ano muy e talentune thay sasavune edukativune artiste. O Tagore pa peste phanla thay jekh kerla o kontradikcie e asketesko thay e kamipesko, e godinipesko thay e emocionalipesko. Kobar o Tagore sito iklo thay phiravno e indiaka tradiciako, abokar sito ini revolucionari, odoleske kay o godinipe e egzistenciako na rodla ano olako negiripe, sar akava sikavla o budizmi, numay kontra, ano olako afirmipe thay adikeripe. Sar phenla yekh olesko thanesko jeno, o Tagore sito angluno indiako devlikano, kova na negirinla o jivdipe, numay duyevastenca astarla. Odoleske kay o Brahma, kosmikuni kreiripeski forca, mothavlape ano sah so egzistinla ani materialuni lumnia ano strefipe, ano shunde talasya e patrenyengo thay luludyengo, ano tunyarikya, ano galbeno brshin thay vibracia e khameske parnipesko. Sah sito shukarno e kamipeske thay baripeske, ini e maytiknoruni kishay na sitoy binisoske, ini o gilavipe e akhyengo – kanengo nashti thay na ovla iluzia (maya), odoleske kay “o loshalipe mere akhyengo, kanengo thay qalavipesko, sila o simajya e devlikanipeska loshako“. Ano odova loshalipe pe lumnipesko ini phanglola o cidipe e tradiciatar e indiaeke filozofikune